

Ufficio Stampa della Provincia autonoma di Trento  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

COMUNICATO n. 2276 del 01/08/2023

Traduzione in cimbrio

## **'Z iztase gevuntet atz Cavalese dar Rat von Kamöünder von Euregio**

**In trèff von Rat von kamöünder von Euregio bodase iz gehalten atz Cavalese atz 21 von höbiat, Tage von Kamöünder 2023, izta khent ågenump a motziong vor an uantzega stratedjì kontro in bostriko. In sèll tage soindase gehalten mearare trèff pinn zil zo arbata no mearar pittnànder zbisnen in lentar.**

**Di motziong rüaft di vüarar vodar autonome Provìntz vo Tria un vodar autonome Provìntz vo Poatzan un von Land Tiról zo nemma initziativan auzolega stratedjìan alle pittnànder boda gian übar di grentzan boda mang gian guat kontra in bostrico un darzuar bia zo hakha in balt un bia zo nütza 'z gehültz geschedeget.**

**“Daz bichte vo disan organ von GECT iz daz sèll zo maga machan prodjèkte boda gian garade zo pezzra 'z lem von pürger. Helvan di vüarom von drai lentar zo reda pittnànder un zo venna konkretege solutziongen in problème disa iz sichar di natùr vodar üsarn istituziong” asó hatta khött di Elisa Bertò, djeneràl sekretardjo von Euregio.**

Dar Rat von Kamöünder iz an konsultif organ vodar Djunta von Gect Euregio, dar iz gemacht vo vüchtza laüt, vünve vor aniaglaz lånt un iz augelekk nå in zil zo nempra di pürger in Euregio un asó khintar auzgelüsan vor bazta ågeat prodjèkte un mångln boda mang khemmen gelekk in programm von Euregio haltante kunt von sèll boda hãm mångl di lentar pintante asó no mearar di Euroredjong.

In trèff vo Cavalese izta khent abegètt 'z klöckle von Rat von Kamöünder von Euregio zbisnen in vorsitzar von Trentinar Konsortzio von kamöünder Paride Gianmoena un dar vorsitzar von Konsortzio von kamöünder vo Südtiról Andreas Schatzer. A simbòlegar akt boda vürlekk ke in herbestmånat di vorstizarung von Euregio bart bèksln un von vorsitzar Maurizio Fugatti bartze pasàrn in vorsitzar Arno Kompatscher.

**Foto von Press Åmt**

**Übarsetzt von Schaltarle vor di zung von Toalkamou vodar Zimbar Hoachebene**

(cdt)